

淨土叢書

普為贈借淨籍贊助編纂及損資
助印預約讀誦受持展轉流通者
回向偈曰

願以此功德	消除宿現業
增長諸福慧	圓成勝善根
所有刀兵劫	水火及饑饉
疾病災難等	普願盡消滅
先亡皆超昇	現眷咸安樂
風雨常調順	人民悉康寧
國運永昌隆	世界普和平
法界諸含識	同證無上道

中華民國六十一年四月初版
中華民國七十年七月再版
西元二〇〇六年二月十五日三版

淨土叢書 全部精裝四十八冊

原編纂者 毛 惕 園 居士

倡印處：（馬來西亞）新山阿彌陀佛蓮社

17, Jalan Permas 10/3, Bandar Baru Permas Jaya,
81750 Johor Bahru, Johor, Malaysia

電話：607-3875122 傳真：607-3867122
手機：6019-7620272

承印處：福峰圖書光碟有限公司

台北市士林區永公路500巷48號
電話：〇二・二八六一九九〇五

本書願與世界各淨宗學會及念佛團體結緣

第七冊

目次

註疏部

(六)

阿彌陀經摘要易解

清真嵩述

阿彌陀經約論

淨土經論第

清彭際清述

佛說阿彌陀經蒙解

民國興慈述

佛說阿彌陀經要釋

民國斌宗釋

阿彌陀經白話解釋

附修行方法

民國黃智海述

佛說阿彌陀經摘要易解

佛說阿彌陀經摘要易解

後學毗陵天甯沙門眞嵩槃譚述

佛說阿彌陀經

此經本命稱讚不可思議功德。一切諸佛所護念經。至中華凡二譯。唐玄奘法師譯云。稱讚淨土佛攝受經。今姚秦三藏法師鳩摩羅什譯云。立此名者。以經中正專持名號之法。衆所樂聞。以此六字立題。人皆信受流通也。

佛者。梵語具云佛陀。具者具足。梵語也。當云佛陀。不言陀者。省文也。此云覺。覺者對迷得名也。覺有三義。離心名自覺。離境名覺他。心境俱離名覺滿。惟佛三覺俱圓。故稱爲大覺世尊。即釋迦牟尼佛也。

說者。悅也。適悅本願。欲度衆生。脫離苦海。往生淨土也。是故不待問而自說。悅可知也。

阿彌陀者。標顯無量壽佛之名也。梵語阿。此云無。梵語彌陀。此云量。合言無量壽佛功德。不可思量也。故云無量。無量者亦有二義。一者。彼國衆多。無

有數量。二者。樂邦壽命。無有限量。故知無窮盡之無量也。

經者行義。梵語修多羅。此云契經。謂契理。契機。契理者。合道之言。契機者。逗根之法。是故念佛法門。修行直路。只要識破只個臭皮囊。始終不實。世間虛妄。一切非眞。惟有淨土可歸。念佛可恃。無論富貴貧賤。士農工商。善男信女。皆可往生。或緊念。慢念。高聲念。低聲念。默念。總無拘礙。動靜閒忙。只要專心一而無二念。到熟處成生。生處成熟。忽然觸境遇緣。摸著自己鼻孔。始知阿彌陀佛不離當念。蓮邦淨土只在目前。如心念不一。口裏念佛。心中尋文解義。貪圖嘴利。如此念佛。由你念到彌勒下生。亦不得往生。所謂念佛。者多。往生者少。皆由此也。須知心意識奪吾淨土。劫吾寶所。是豈人。因何又要與他結爲伴黨。惱亂心神。永劫不能出離苦海。親禮彌陀。豈非錯用心也。因此奉勸同志善友。念佛務必歸於一心不亂。如子憶母。念念相續。

念到工夫純熟處。自然契理契機。無容向外馳求。埋沒己靈。是以羅什法師翻譯契經二字。乃是此經一大綱旨也。

如是我聞。一時。佛在舍衛國。祇樹給孤獨園。與大比丘僧。千二百五十人俱。

今經自西域至此。古德判釋。未有三分。自晉道安法師。將此經通判三分。今遵之。自如是我聞至大衆俱。爲序分。從爾時佛告至是爲甚難。爲正宗分。從佛說此經已至作禮而去。爲流通分。是故解釋文義者。只知一題總意。未審經中。自始至終。爲何等文。闡何等義。今乃章分句解。從文字般若中。通達實相之理。所謂以有盡之言。略彰無盡之義。今爲融通不礙文字者。也是故道本無言。因言顯道。佛以文字說經。今還以文字解釋。然而文字性空既是實相之理也。今屬序分。序者敘也。又緒也。未入正文。先敘列此經之端緒也。○昔阿難問佛。結集經體。佛示。經首當云如是我聞。一時佛在某處。與某衆說某法。故凡經首。皆同此體。古德因從如是至

大衆俱。判爲六種成就。如是。我信成就。我聞。爲聞成就。一時。爲時成就。佛。爲主成就。在某處。爲處成就。大衆。爲衆成就。亦名證信序。

如是者。信成就也。智論云。佛法大海。信爲能入。華嚴經云。信爲道源功德母。長養一切諸善根。肇法師云。如是二字。信順之辭也。智者大師云。如爲眞空。是爲妙有。古德云。聖人說法。但顯於如。唯如爲是。又古德云。實相之理。始終不異名如。如理而說名是。諸家所說。尙多。恐繁不引。以上各有意義。小異大同。並無相礙。是故如是二義。隨宗以定。今經宗乎執持名號。一心不亂。故名爲如。臨命終時。心不顛倒。故名爲是。異此所明。不得爲是我聞者。聞成就也。我者。非謂人我之我。傳法聖人。若有人我。焉能結集。應知阿難結集傳法。以我無我不二之眞我。根境非一非異之妙耳。聞者耳根發識。廢別從總。歸於一心不亂。聞娑婆極樂無障礙之法門也。故云如是之法。

我阿難親從佛聞

一時者。時成就也。機應和合。說聽成就。即名一時。以說聽無定故。不言某年月日。當云一時也

佛者。主成就也。佛義解釋前文。佛爲娑婆教主。所以六種成就。歸重於佛在舍衛國祇樹給孤獨園者。處成就也。在者。天台謂在即住義。別之有四。一天住。即六欲天也。二梵住。即色界無色界天也。三聖住。即聲聞圓覺菩薩也。四佛住。即佛度衆生。隨宜而住。今不言別住。但言當時說經之處爲住。實則佛身無住無不住

舍衛國者。梵語亦云室羅筏悉底。其國豐足。具有四德。一者塵德。五塵之境多美麗故。二者財德。七寶珍奇無有缺故。三者聖德。三藏聖法。皆具足故。四者解脫德。人多解脫。不染欲故。是知五天竺人多賢。以德爲名。此云聞物。即舍衛國也

祇樹給孤獨園者。梵語祇陀。不言陀者省文也。又云逝多。即波斯匿王太子名

也。太子生時。王與外國交戰得勝。喜而立名。祇陀此云戰勝。給孤獨者。幼而無父日孤。老而無子日獨。今但無倚無養。即名孤獨。此事唯須達多能喜捨行施給孤獨緣因。人皆喚須達長者。爲給孤獨。此云樂施。即須達多也。園者林蔭清幽。學道之人。應棲之處。涅槃經云。須達長者。本舍衛國人。因爲娉婦入王舍城。見佛生信。請佛到舍衛國。佛令身子選衆居處。得祇陀園。因前長者問價。祇陀太子戲答。金在地滿。即當賣與。長者布金滿畢。太子感歎。遂施地施樹於長者。同立精舍。發心成此美事。故雙標也

與大比丘僧千二百五十人俱者。自此而下。至諸天大衆俱。衆成就也。與大者。佛與大衆。共居祇園。乃是經中之正意。比丘者。梵語。此云有三。一者乞士。謂乞食。乞法。乞食者。離四邪命。合四正命。無事經營。不勤畜積。諸緣放下。一志清修。僧宜以此活命。故云乞食資身也。乞法者。參師訪友。懇苦翹

誠。詢求妙法。期成聖果。故云乞法資心也。二者怖魔。謂若人發心出家。魔王聞之。生大怖畏。魔愛生死爲樂。出家離欲。回向無生。是故魔失伴黨。生怖畏故。三者破惡。謂能破見思煩惱種種諸惡。悉皆斷絕故。僧者梵語。亦云僧伽。不言伽者省文也。也此云衆和合。千二百五十人俱者。有三迦葉。一優樓頻螺迦葉。於火龍窟。有五百弟子。二伽耶迦葉。於象頭山。有三百弟子。三那提迦葉。於希連河。有二百弟子。後皆歸佛。故有千衆。目連舍利弗。二人有二百五十弟子。亦來歸佛。成千二百五十人也。

皆是大阿羅漢。衆所知識

阿羅漢者。梵語有三義。一應供。爲人天福田。即乞士果也。二殺賊。斷煩惱盡。即破惡果也。三無生。不受後有。即怖魔果也。衆所知識者。功圓德重。人人知之。個個識之。名聞於天下。故云衆所知識也。衆中之內。能作人天眼目。開示後學。出離苦海。頓超淨土者。

眞大善知識也。須知心源本寂。諸妄全空。性體本明。羣迷安在。於中證得。亦是眞實知識。如其沉空爲寂。起念而知者。虛妄知識也。所以眞見與妄見。天地懸隔。果能達自本源。彈指超淨土矣。

長老舍利弗。摩訶目犍連。摩訶迦葉。摩訶迦旃延。摩訶俱絺羅。離婆多。周利槃陀伽。難陀阿難陀。羅睺羅。憍梵波提。賓頭盧頗羅墮。迦留陀夷。摩訶劫賓那。薄拘羅。阿菟樓陀。

長老者。年高有德之稱。貫下十六尊宿。皆稱長老。皆佛上首弟子也。

舍利弗者。梵語此云鶩鷺。梵語弗。此云子。亦云身子。又云珠子。名號更多。恐繁不引。諸弟子中。智慧第一。鶩鷺者。其母身形端正。眼如鶩鷺。連母得名。云是鶩鷺之子。身子即身端義。珠子即眼淨義。在母胎中。能令母與舅辯勝議。八歲登座。十六歲。國中論議無雙。七日之內。皆通佛法。故云智慧第一。摩訶目犍連者。摩訶梵語。此云大。

目犍連。亦云采菽氏。又云萊菔。神通第一。目犍連者。姓也。名拘律陀。拘律陀者樹名。其母禱樹神而生。因以爲名。神通者。如佛昇忉利天。有毒龍障佛。諸弟子請降龍。佛不許。目蓮化身大龍。毒龍見之。懼怕而去。故云神通第一。

摩訶迦葉者。此云大龜氏。亦云飲光。頭陀第一。大龜氏者。先世學道。有靈龜負圖而出。因以爲姓。名畢鉢羅。亦樹也。稱大迦葉者。以別同名。如三迦葉等。飲光者。由宿世生爲冶金師。與一女人。同裝金佛像。遂感累世。身如金色。晃耀餘色。故名飲光。頭陀者。梵語。此云抖擻或云淘汰。有十二行。一阿蘭若。二常乞食乃至十二。但三衣。以斯苦行。掃除塵累。澄淨身心也。迦葉年老不捨頭陀。佛憐憫其衰。勸令休息。迦葉頭陀如故。佛身讚有頭陀行如此。我法久住。故云頭陀第一。

摩訶迦旃延者。姓也。此云文飾。一云不定。一云善繩。一云離有無等。南天

竺婆羅門族也。論議第一。文飾者。文采修飾也。凡人論議。心雖曉了此理。若直遂而不文。汗漫而不飾。則辭不達意。非善於論議者也。不定者。縱橫善巧。是善論議意。扇繩者。如雲棲疏鈔云。扇繩者。子繫母故。又云破熟彈曲爲扇繩。不墮斷常。發揮中道。離有無故。此一段文義深難明。即今註明。令人易解。註云。扇繩者。梵語。雲棲疏鈔云。子繫母故。註云。子繫母者。即心不離念義。彈曲者。即論議義。爲扇繩者。即心念相應義。凡來論議。心口相應故。故云彈曲。爲扇繩。不墮斷常者。不落斷見常見。斷常二見是外道見。發揮中道者。即離有無義。如外道問。人死不還。知無他世。謂人死受苦。應當同還。甘受不還。故無他世。答曰。如世罪人。彼駐牢獄。甯得歸否。又問。天何不歸。答曰。墮廁得出。肯再入否。如是種種妙說諸義。增一阿含經讚曰。善分別義。敷演教乘。故云論議第一。

摩訶拘絺羅者。此云大膝。舍利佛舅也。

答問第一。大膝者。從狀得名。舅者與舍利弗母是姊弟。舅往姊家論勝議。時姊懷舍利弗在腹。舍利弗在母胎中。能令母機辯迅發。舅不能答。遂發憤遊學。誓不剪爪。讀十八種經。精通義理。以後有論勝議者。答問如流。得四辯才。觸問能答。故云答問第一

離婆多者。梵語此云星宿。又云室宿。無倒亂第一。星宿者。其母求星而生。因以爲名。室宿者。室供二十八宿。其中第十三宿。或禱此星。故無倒亂也。心正故不顛倒。心定故不散亂。故云無顛倒第一

周利槃陀伽者。梵語此云繼道。又云大路邊。僅持半偈。得悟證果。繼道其母產時。還家不及。於半路中產子。繼於途路之間。故名繼道。大路者。母生二子。皆於路邊。言大以別小也。半偈者。出家愚暗。久無所解。兄先入道。怪其弟無學。遣令還俗。其弟雖則還俗。常倚祇園門首。涕淚痛哭。佛憐而錄之。令誦掃帚二字。誦帚忘帚。誦帚忘帚。

每日入而誦之。忽悟垢淨惑除。得阿羅漢道

難陀者。梵語此云善歡喜。又云牧牛難陀也。難陀有三。阿難陀即慶喜也。又云孫陀羅難陀。兼此牧牛難陀爲三。以牧牛別餘二難陀也

阿難陀者。梵語此云慶喜。又云無染。佛之從弟。多聞第一。慶喜者。佛成道日。誕生。王及臣民。既聞太子成道。又聞宮中誕子。合國忻喜。因以立名。慶喜無染者。阿難隨佛入天宮龍宮。心無樂著。故名無染。從弟者。佛乃淨飯王之子。阿難是白飯王之子。二王昆季。故稱從弟。多聞者。阿難侍佛二十五年。佛所說法。不忘一字。涅槃經稱阿難多聞士。又迦葉尊者讚曰。佛法大海。流入阿難心是也

羅睺羅者。梵語此云覆障。或云執日。密行第一。覆障者。本阿修羅名。能以手障日月。故名覆障。又云執日障。此有二義。一者佛爲所障。不即出家。尙未有子。父王不許出家。後以指腹懷胎。

方遂本志出家。則佛被其障也。二者。羅睺羅六年在母胎中。皆因夙世。曾塞鼠穴。閉之六日。今報六年在母腹。則已自被障也。密行者。經云羅睺羅密行。惟我能知之。惟佛能知。則菩薩聲聞。皆不能知。況凡夫乎。積行而人不知。故云密行第一

憍梵波提者。梵語此云牛呌。受天供養第一。牛呌者。過去世中。輕弄沙門。今報牛呌。又五百世曾爲牛故。牛雖不食。恒事虛哨。餘報未盡。故稱此名。受天供養。馬麥之報。彼獨於天上尸利沙園受供。又凡夫觀形。不知觀德。多輕之者。恐人譏笑遭愆。常居天上。諸天敬奉。故云受天供養第一

賓頭盧頗羅墮者。梵語上三字。此云不動。名也。下三字。此云利根。姓也。應供第一。柰耶律云。樹提長者。以旃檀鉢安置利頂。號於衆云。有神力能取者。即當與之。賓頭羅尊者。現神通取鉢。佛呵責令不許入滅。留身久住。應末世供。爲大福田也。故云應供第一

迦留陀夷者。梵語。此云黑光。黑光者顏容麤黑故。又黑色光耀。異常黑故。夜行乞食。人皆驚怕。佛禁夜行。由此制也

摩訶劫賓那者。梵語。此云房宿。知星宿第一。房宿者。二十八宿中第四宿也。父母禱此星而誕生。又云劫賓那。初出家時。一心欲到佛處聽法。行到半路。遭雨不能行。寄食於陶舍。又有一比丘來。共宿陶舍。彼比丘者。即佛化身。與劫賓那尊者說法。聞法悟道。知星宿者。不假璣衡。通曉天象故云知星宿第一

薄拘羅者。梵語。此云善容。壽命第一。善容者。顏貌端正故。壽命者。壽年百有六十。故云壽命第一。由往昔持不殺戒。九十一劫。壽不終夭。又云。往昔曾施一病僧訶梨勒果。感報五不死。初生現異。母以爲怪。置之熬中不死。復置釜盤不死。復擲於海中。大魚吞之。爲人所獲。刀破子現。一無所損。火不能燒。湯不能煮。水不能淹。魚不能噬。

刀不能割。名五不死。亦稱第一

阿菟樓駄者。梵語。亦云阿那律陀。此云無貧。亦云無滅。又云如意。天眼第一。無貧者。往昔於饑世。曾以稷飯施辟支佛。九十一劫。資用充足。至今不滅。所求如意。故有無貧等三譯。天眼第一者。出家以來。貪眠。佛說法時。昏睡不醒。佛乃呵責。比之恐墮螺蛤。阿那律尊者聞之。當時發憤精進。經七晝夜眼不交睫。失其雙目。佛教修習樂見。照明金剛三昧。遂得天眼。觀三千大千世界。如觀掌中果。故云天眼第一如是等諸大弟子。并諸菩薩摩訶薩

如是等者。例餘千二百五十人俱也。諸大弟子者。即前十六尊宿也。各有德業因緣。前文敘明。并者。佛說此經。不但千二百五十人俱。諸大弟子能聞。在會大士。及諸菩薩摩訶薩。亦皆同聞菩薩者。梵語具云菩提薩埵。今舉二字。省文也。此云覺有情。覺有情者。覺是所求之果。有情是能求之人。以己之心。悟佛之理也。摩訶薩者。菩薩中大菩薩

也。如文殊普賢觀音彌勒等。皆稱摩訶薩。非謂初心。十信。十住。十行。十回向等也

文殊師利法王子。阿逸多菩薩。乾陀訶提菩薩。常精進菩薩

文殊師利者。梵語。亦云曼殊室利。此云妙首。亦云妙吉祥。又云妙德。妙首者。華嚴經表三法門。曰信行智。妙首信也。所謂信爲六度之頭首。長養萬行諸善根。妙吉祥者。行也。經云。一切世間。親近供養讚嘆。名妙吉祥。又真諦云。於怨親中。平等不爲損惱。是妙吉祥。又生時有十種瑞。一光明滿室。乃至十名妙吉祥。妙德者。智也。文殊是過去七佛之師。豈非妙德。法王子者。佛爲法王。菩薩入法王位。名法王子。或問曰。凡菩薩皆稱法王子。獨稱文殊何也。答曰。文殊大智獨尊。凡諸經中常爲菩薩上首故。佛例舍利弗智慧第一。文殊大智獨尊。此經爲智方能信受。一心念佛。始知修淨業者。非是淺智淺識所能信也

阿逸多者。梵語此云無能勝。即彌勒菩薩也。彌勒者梵語。此云慈氏。姓也。阿逸多者。名也。具足當云慈無能勝。彌勒菩薩。在母胎中。即有慈心。又過去弗沙佛時。與釋迦如來。同發菩提心。常修慈定。今釋迦成佛。授記入兜率內院補處。當來下生。彌勒尊佛。即聞此經。龍華會上。必說此經。當如此經。流通無盡矣。

乾陀訶提者。梵語。此云不休息。不休息者。修諸梵行。歷恒河沙劫。然後授記經此多劫。未曾休息。又如來修進度時。名大師。太子求如意珠。雨寶濟貧得珠墮海。杼海取珠。諸天問言。杼海何爲。答曰。得珠墮海。故杼取之。天云。海水如何得竭。答曰。海水不竭。我終不休。天知心固。共助杼之。水即減半。龍恐海乾。送珠還之。此是不休息義。

常精進者。寶積經云。此菩薩爲度一切衆生。經無量劫。隨逐不捨。猶未受化。曾無一念棄捨之心。乃精進之至極也。

此二菩薩。名雖有別。德業無二也。應知淨業法門。務必菩提心而不退。方可德業成就也。要在制心一處。不令散亂。念念相續。繫緣佛。號無有棄捨之心。自然念成一片。無明業識漸漸消滅。唯有一句阿彌陀佛。歷歷現前。便是常精進菩薩。常精進便是不休息。不休息便是實相念。實相念即是無念無念。名爲眞念也。果能如是念佛。往生上品。決定無疑也。

與如是等諸大菩薩

與如是等諸大菩薩者。結上例餘同前。就當經則表信行願三成淨土因故。同前者。結上文殊彌勒等。例餘則普賢觀音一切菩薩也。信行願者。妙首表信。凡求淨因。信爲最先。經云若有信者。應當發願是也。精進表願行。精者不襍。進者不退。不襍者。經云。一心不亂。不退者。經云不退轉菩提也。不休息者。即不退義。又彌勒慈行。乾陀梵行。觀經云。慈心不殺。具諸戒行是也。成淨土因者。列諸菩薩。非無因故。

及釋提桓因等。無量諸天大衆俱

及者。言淨土法門。不但諸聖與會。一切諸天梵衆。皆能同聞。釋提桓因者。

具云釋迦提婆。因提。釋迦者。此云能。

提婆因提者此云天主。乃忉利天爲欲界主也。過去迦葉佛欲滅時。有一女人發心修塔。三十二人助之。今天主。即女人也。統四方三十二天。即三十二人也。無量者該欲界。色界。無色界諸天也。大衆者。諸天而下。人及修羅六道一切衆生也。俱者。與諸菩薩諸天大衆俱也。

○序分竟

爾時佛告長老舍利弗。從是西方。過十萬億佛土。有世界。名曰極樂

此下文屬正宗。以前是序引。後是流通。

唯此爲一經。正宗之大義也。爾時者。

當彼六種成就時也。佛告者。無問自說。

欲速說此法故。告舍利弗。是智慧第一。

能信受此法。從是西方過者。從此娑婆

世界。向西而去。名過佛土。一大千世

界。名一佛土。過如是佛土。至十萬億

佛土。言去此西方。遠之又遠矣。往往

修淨業者。念到此處。退失道心。自忖

云。十萬億佛土。如何能到。故不行也。

須知十萬億佛土。不勞彈指。即登淨土。

親見彌陀。只要當人信得及。勤持佛號。

久而久之。忽然心忘佛現。即過十萬億

佛土矣。不見淨土文云。於一念頃。生

極樂國是也。極樂者。梵語須摩提。此

云安養。又云安樂清泰等。皆極樂義。

又經云。佛土有四。一常寂光土。諸佛

究竟。極果所居二實報莊嚴土。法身大

士所居。三方便有餘土。三乘人所居。

四凡聖同居土。四聖六凡所居。雲棲云。

今此極樂。是凡聖同居土。而亦同前三

土。則通常寂光矣。蓋眞極樂。唯常寂

光是

其土有佛。號阿彌陀。今現在說法

其者。承上土必有人。指能依之人曰佛。

佛必有號。曰阿彌陀。過去未來。皆有

佛度生。度生之軌。曰現在說法

舍利弗。彼土何故名爲極樂。其國衆生。

無有衆苦。但受諸樂。故名極樂

其國衆生者。指極樂世界之衆生。皆是

有德之士。非謂娑婆世界之衆生。若論娑婆世界衆生。人人皆有佛性。自從無始以來。一念妄動。迷失眞性。所以背覺合塵。沉淪苦趣。作種種業。受種種苦。累生累劫。無有了期。若能一念回光。返照淨土。則衆生心而爲佛性也。衆苦者。苦是逼惱義。謂三苦。五苦。八苦。乃至百一十苦。三苦者。一苦苦。謂受漏身。是名爲苦。更加種種逼惱。則苦而復苦。是爲欲界苦也。二壞苦。謂當樂壞時。不勝憂惱。是爲色界苦也。三行苦。謂此苦處中即不苦不樂。念念遷流。是爲無色界苦也。此是三界苦。是名三苦也。五苦者。謂生老病死苦是也。八苦者。一生居胎獄苦。二老厭龍鍾苦。三病受痛痾苦。四死悲分散苦。五求不得苦。六愛別離苦。七怨憎會苦。八五陰盛苦。此是八苦也。百一十苦者。一無差別流轉苦。二欲癡苦。乃至十五苦。次九種苦。於九種苦中。又次第疊開。成五十五苦。合之爲百一十苦。以上衆苦。極樂皆無。是名無有衆苦也。

但受諸樂者。下文敘明。如實而言。苦既不立。樂亦何存。苦樂雙忘。是平等法。如斯之樂。故名極樂也。

又舍利弗。極樂國土。七種欄楯。七重羅網。七重行樹。皆是四寶周匝圍繞。

此正明樂事也。橫曰欄。直曰楯。網是寶。羅是羅布。樹皆成行。故曰。欄楯。圍於樹外。羅網覆於樹上。重重相間。其數皆七。悉以金銀琉璃玻璃四寶周圍嚴飾。

是故彼國。名爲極樂

是故二句。先結前欄楯等。例下寶池。

乃至風樹等。種種莊嚴。故名極樂

又舍利弗。極樂國土。有七寶池。八功德水。充滿其中。池底純以金沙布地

又舍利弗者。承上告舍利弗言。不但陸地莊嚴。有如是欄楯羅網行樹。抑且池水莊嚴。亦復勝妙無比也。有七寶池者。七寶所成。池中之水。亦七寶成。七寶者。金銀琉璃玻璃磲磔赤珠瑪瑙。是名七寶八功德水者。一澄淨。二清冷。三甘美。四輕軟。五潤澤。六安和。七除

飢渴。八長養諸根。具八種功德。利益衆生也。池底金沙者。金沙爲底。無泥滓也。

四邊階道。金銀琉璃玻瓈合成。上有樓閣。亦以金銀琉璃。玻瓈碑礫。赤珠。瑪瑙。而嚴飾之。

四邊者。中爲七寶池水。周圍四面爲階道。階道者。離地曰階。坦途曰道。樓閣者。重屋曰樓。岑樓曰閣。金銀者。世間通寶。琉璃者。此云青色寶。又云不遠。去波羅柰國不遠。即有此寶。玻瓈者。此云水玉。即水晶也。碑礫者。此云大貝。乃海中介蟲也。大者爲寶。赤珠者。珠之紅色。瑪瑙者。或云丹丘野兔之血所化。嚴者。整齊義。飾者。文彩義。以此衆寶而嚴飾之。

池中蓮華。大如車輪。青色青光。黃色黃光。赤色赤光。白色白光。微妙香潔。

上言池外。今表池中。蓮華者具有四色。謂青黃赤白等色皆有光。青蓮華者。彼云優鉢羅華。黃蓮華者。彼云拘勿頭華。赤蓮華者。彼云鉢特摩華。白蓮華者。

彼云芬陀利華。此華禾開。彼云屈摩羅。此華將落。彼云迦摩羅。此華處中間開。彼云芬陀利。即白蓮華也。車輪者。大小形相未定。隨機所見。故云微。因果同時。處染常淨。故云妙。華出金沙。香中之香。故云香。潔中之潔。故云微妙香潔。

舍利弗極樂國土。成就如是功德莊嚴。如上種種莊嚴。皆是阿彌陀佛國中。爲法藏比丘時。發大願所修。大行無量功德。後三成就。皆同此義。

又舍利弗。彼佛國土。常作天樂。黃金爲地。晝夜六時。雨天曼陀羅華。

前敘寶池。今言金地。常作天樂者。謂諸天所作之樂。非是人間所有。人間之樂。須要自作自彈。天樂自鳴。故云常作天樂也。今修淨業者。果能一心不亂。念佛到臨命終時。自有天樂。迎空而來接引。則天樂自鳴也。黃金爲地者。謂極樂世界。上則樂作於天。下則金嚴其地。而居此黃金地上。不獨耳聞天樂。亦且眼見天華也。黃金者。謂琉璃地上。